



雕蟲技自序

一。人。不。來。萬。慮。都。往。如。此。岑。寂。
最。不。易。得。吾。黨。將。老。大。多。不。好。
讀。書。此。時。聽。籟。觀。生。便。作。學。問。
古。今。之。物。生。而。能。言。者。白。澤。猩。
猩。嬰。武。止。此。三。物。瞿。谷。不。能。言。

已而能言人使之也亦謂之能
言夫言心轂也轂以氣浮然則
物之有轂而無言皆有言物之
有氣而無轂皆有轂有轂有氣
皆不能言而皆有欲言之言所
以伯物之意去人不遠正如人

狹年止解笑啼耳未便了了作
一二語與人往復顧度其懷來
卽以吾意言之無不待其不言
之意然則以吾言爲物言物當
快絕曰若爲吾言吾今可以不
言矣鵬之背有泰山蝸之角有

敵國吾言之。物受之物不能言。不能不受吾所言耳。恐持此以巨細物而不能得物之巨細者。亦自不少。惟以吾意中入物言中。以物意中寄吾言外。似物皆能言。吾未始有言。則吾與物兩

忘而兩得之矣。言有炎炎亦有詹詹。天下言之詹詹。孰如鳥語蟲音。蟲鳥各有聲氣。則各有欲言之言。岑寂中以吾言為物言。旋而自悔。悔吾不能為獅子。哮嗷嗷。驚天怖地。悔吾不能為

長離。離離。離離。啾啾。若笙若簫。乃從
 艸根葉下。作蟲鳥喉吻。以物言
 為吾言。人必以為詹詹也。雖然
 以吾言為物言。使其物聞之。不
 又駭絕。曰。若為吾言。固有如此
 炎炎。耶。要之。雕蟲耳。炎炎詹詹。

安設使天下壯夫為我定諸

蝸牛長謝 焜

藥笈艸

雕蟲技

蜂蝶彈詞

荳籬瓜架蕉葉幄。豔冶幽花列

四角。繁如鵬來巢。緗如鸞出殼。

謝

焜

允

彛

頰如舞丹鶉。紺如下紫鸞。穉子
小嫵坐守巖。但防雞鬪及雀啄。
忽有蜂來不之知。忽有蝶過不
之覺。攪斂枝頭五色花。墜落青
苔生斑駁。全家全爲蜂蝶喚。蜂
來蝶過猶搖脣。蜂先彈蝶出數

語。彈蝶損花狀最真。庭內春濃
花開透。吾儕驚喧避四鄰。栩栩
翩翩蛺蝶至。上不礙絮下超塵。
花之周遭周旋久。得意忘言似
飲醇。一則賞識花之顏面。再則
鼓舞花之精神。花影迷離蝶醉

矣兩翅無力臥花茵使其長臥
花無恙倏臥忽起與花親吸花
花氣遂易薄弄花花粉遂不勻
蝶在庭外自切齒負心欺人乃
如此我與漆園契合淡世味芳
羶淡若水偶到花間瞬息間瞥

見汝曹貪無恥呼羣賞花入花
心花心立定采花藥含哺鼓腹
始言歸劬勞釀蜜蜜浸歿伯奇
牽母汝無良小恙自求汝不祥
周昉欲摹怨汝螫滕王欲繪惡
汝狂畢竟美人游春事傳寫吾

曹映饒妝我上天比翼似鸚鳥
我過水交飛似鴛鴦我皎類何
郎不傅粉我冶同韓壽不偷香
廉耶饗耶公論定汝耶我耶孰
短長一扇惠風冷可御若蜂若
蝶各颺去野夫不詰其來何時
亦不窮其去何處

廳雀訟詞

小山地僻柴門小梅桃百本將
屋繞今年雨露多沾濡梅桃結
實俱不少山妻穉子嗜甘酸日
日垂涎涎自乾野夫愛之不忍

摘、畱待客至克杯盤兩日柴門
 無人跡梅膚桃肉似人擘野夫
 心知雀與鼯鼯雀齊來訟嘖嘖
 鼯遂屈膝叩頭言小鼠家在抱
 甕園綠蘿為我室紅藤為我垣
 昨日臥病思珍果匍匐設過君

家門梅懸黃蠟桃染茜身未入
 樹液先吞三顛五墜纔得上纔
 噉一梅快心魂尾大不掉飛不
 起飛入桃林桃葉裡大者向陽
 生樹顛小鼠僅取小於指桃葉
 拍拍畏人來歸抱一桃而已矣

于今始悟葉間螻。啁啾好似黃
雀鳴。爭食不均。狼而鬪。鍛斷黃
翎三四莖。小鼠今日有分。過望
君垂察。小鼠情黃雀。飛揚氣不
下。置之羅中。以丸射。斂翮低。螻
負罪容。今願繇衷。望君赦小鳥。

生長君簷前。芝蘭玉樹相周旋。
南榮我頽宿。北牖我頽穿。阿母
曾受巾箱惠。小鳥黃口得君憐。
小鳥長大游遠野。狂迷誤入綠
陰邊。儔侶相呼。淡咀嚼梅自酸。
絕桃甘鮮有稱君。無鄙吝態美。

味之下當勉旃梅實三兮桃實
七又去葉間捕鳴蟬因見枝頭
立蒼鼠兩目眈眈口欲語小鳥
縈識蒼鼠貪餘桃帶杖銜相與
日暮歸栖小鳥巢蒼鼠猶在梅
桃所望君垂察不厭詳鳥鼠之

罪有纖巨野夫聽之判兩條野
夫此物博瓊瑤蒼鼠飛來四鄰
遙抱病求食憾可消黃雀宇下
非夕朝自損家珍狀如梟俱放
之去去迢迢野夫還坐於松竹
之幽寮

螢蠅詭詞

腐儒半生少結癖堆牀疊架惟
 簡冊四部分居於四方一日披
 覽僅一尺每值月暗雨涼時挑
 燈兀坐相抽繹昨夜無雨無月
 亦無燈空齋寥寥斷人跡一螢

飛來照晶晶一蟬走出行脈脈
 維蟬之口習微言胸有墨汁氣
 軒軒遂云熠熠誰家子暮夜迢
 遞過我門得非白日旦兮掩爾
 色得非紅炬宵兮驚爾魂一點
 孤星難獨皎直來文苑得溫存

感爾流允相盼。昧爾之炎炎。宜
自愛。宜入漆室。以明憂。宜入幽
谷。以啟晦。宜入疑獄。以燭寃。宜
入黑水。以導昧。文苑應偕。數斗
輝。俾夜作晝。能玄對。吾曹飽食
神僊。書拭目。將登九霄內。乘餘

青鸞許爾驂。足下絳雲容爾載。
萬萬勿向玉階游。輕羅一扇空
粉碎。螢亦數語爲蟬娛。冥冥之
中何嘒嘒。爾身白丁。偏好墨。爾
名水族。偏處枯人言。三教之堂
多利口。九流之室多貪夫。諸子

之戶多胠篋。百家之奧多穿窬。
往聚囊中曾相照。開卷便走疾。
於駒誰將行。行損下體。誰將字。
字闕頭顱。爰象代食無完畫。河。
洛加餐僅半圖。爾學爾祖古脈。
望服食博雅當無恙。不識白日。

曬溼愁不。愁不識紅炬。燒殘暢。
不暢。暴天物者偶見之一。指加。
遺呈五臟。兩家之說各云云。腐。
儒居中爲解紛。丹身有意映靈。
文。當令健羽翮。十千爲耦。百爲。
羣。白魚無狀破皇墳。當令餓口。

腹入遇汗簡出遇芸

蠅蟻辯詞

幽人竹几當瑤席瓦盤光潤荷
葉碧中貯薇露未成霜酷肖瓊
漿與玉液手自颺颺煮冷泉倏
忽几上成絡繹小者為蟻大者

蠅聳身疾步如飛昇幽人近前
加拭拂驅之盡去猶不能最後
畱得一蠅及一蟻蠅色正蒼蟻
色紫皇皇仍帶舖啜容叱蠅叩
頭命蟻跪蠅之言曰蠅也愚生
為夏蟲昧冰壺朱明以降迄三

伏營營四方以口餽入君之室
見君之盂盂中之氣香醃醇細
看如乳復如酥未及沾脣已濡
嘗此物不飽胡爲乎忽聞盤外
熙攘到十百成羣如大盜不知
何穴出虻蜂盡出不辨幼與耄

及至盤頭聚食狂一一皆云吾
所好蠅也避之盤以邊不設與
爭空垂涎君頃見蠅蠅何在今
日君應爲蠅憐吾乃罪蟻蟻不
服且行且止以言復蟻也家在
綠苔幽審雨堂中多伯叔一家

食指動數千安能日日有羊肉
傳君盤頭滋味新此信一布衆
馳逐望見盤色衆顏歡聞香訝
似百花郁盤頭渺渺澄白波半
趨半避氣皆肅亦有冒昧不愔
生褰裳而就類浮鷺弱者竟空

歸强者或果腹如我最不才何
能有食福返至几半與君迎君
發震疊一席驚彼蠅飽飫急飛
去我餒足弱不能行彼蠅出入
多不潔汚君之食君當爭蟻也
槐安大家子每食玉豆與金罌

君之醺醪以我泛縱令先嘗味
仍蘅蒹之此物無染指放蟻歸
去蠅勿輕幽人以蟻之言近清
雅蠅之言類鄙野且蟻所食者
猶可存蠅所食者不堪灑喚蒼
頭來蟻放之花陰蠅放之壤下

○ 蛛蝥晤詞

山妻與我兩質實一似田居一
蠶室田居力田兼讀書蠶室績
紡無時逸績紡之處如雞楸上
有蜘蛛下蟋蟀每至日落月上
時二蟲俯仰遙相悉媿媿不休

詞甚都了了。可聽義甚密。蜘蛛
 俯與蟋蟀謀。幾時願與君相求。
 領略佳音亦已久。亂絲滿腹抱
 深愁。今者薄暮天氣霽。聊將舊
 緒簷前抽。栩栩未能為蝴蝶。楚
 楚不設學蜉蝣。一經一緯身自

動。一縱一橫意自投。一縷一絮
 心自惜。一斷一續手自揉。紛紛
 之際有條段。空空之中有牽絆。
 不有飢禽衝之殘。便有疾蝠拂
 之判。不有驟雨浥之沈。便有狂
 風吹之亂。努力操作無完功。歸

來宇下徒浩歎。卽使功成病不
堪。如此經綸不及蠶。蠶所可貴
冠裳用紅。染於茜青。出藍霧縠。
雲羅張欲破。齒頰能得幾回甘。
蟋蟀仰云言甚善。世間勤勞似
君鮮。假令家家君所爲。不煩鄙

言相勸勉。白帝有命掌女工。江
南懶婦處處同。汝以清吟警其
睡。汝以大轂振其聾。汝以切響
入其戶。汝以苦鳴逼其躬。無衣
無褐。汝之罪。載玄載黃。汝之功。
我乃不輟口。唧唧以啟蒙。千古

蠶績譜無如。函人風纔在機頭。
隨付染纔脫。女手隨獻公。從來
急者自生富。未見緩者不坐窮。
風啼露唱話不了。懶婦夢中目
眇眇。怒罵牕間鼠。穴邊何物多
言喧如鳥。因念勤惰天命之。金

口木舌難開曉。今夕與君得相
從。白日藏身不厭渺。蠶室聞之
遂愀然。人心暗與蟲相連。蜘蛛
巧業示織事。蟋蟀繁聲成織緣。
俟田居來相責備。物猶如此人
安眠。君之志莫落人後。妾之藝

當居人先

彈詞一管

訟詞一管

諛詞一管

辯詞一管

○ 晤詞一管

落花詠自序

沈啟南以七言詠落花至三十

律唐伯虎次之後虞長孺僧孺

又至百律少時嘗以二百六十

管為一冊每落紅狼籍出示所

親云我自有花茵。今春數日淫

雨又數日麗陽氣化不停開謝
無次硯頭屐齒簌簌賤於糝糠
予感之爲十律繼爲十絕皆用
唐人句爲起如初修轂人喉舌
梗澀必倩一二老白雪爲之發
唱然後可以赴節不亂夫人之

爲言我情物狀相引而長花落
時水綠艸碧燕乳鳩鳴迎眸是
趣觸耳皆韻啟興抽緒何所不
可三十晉固不難卽百晉亦不
難而予爲律絕各十晉而止視
白石翁唐虞二家其數大不相

及矣。所親者索舊落花冊云。管
人花茵較厚。君今較薄。予復應
之云。我自育花茵。乃納之藥笈
中。

丙子寒食後一日坐餅花室
與客譚詩因題

藥笈

謝焜
靈映

落花詠

用施肩吾句起

今朝造化使春風。搖動穠緋與
密紅。不願同塵來硯北。每能避

世入牆東。高高下下。栩如蝶。拂
拂霏霏。翩若鴻。滿目繽紛。成五
色彩。毫底事。画虛空。

用岑參句起

忽逢人世是秦岑。水碧山藍外
莫知紫蘚承。茵斜照合青枝蔽。

幄曉煙坐狂夫。不暇爭枯苑。真
宰何勞化腐奇。縱令明季風信
蚤。檀灰玉缺費相思。

用朱景玄句起

旬日軒車不降來。黏猩布粉自
徘徊。三分豔。殆二分。散伯樣精。

工一樣類。金谷藏珠旋已墜。醴
陵寄錦固爲裁。微辭試向青陽
問。誰救風煙協力催。

用張籍句起

能解閒行有幾人。山南山北覓
殘春。雲堆怪石迷三徑。月暈蕭

齋悄四鄰。喜魚蝦游赤水。還
驚雞犬臥香塵。寄梅送菊繇來
雅路遠無從致所親。

用雍陶句起

今季無異去季寒。紫闥黃愁帶
雨看。細細幽芬扶淡漠。深深晚

藥報平安金鍼繡倦羸如許玉
楮雕殘剩若干急訂麻姑收佐
酒蓬萊清淺涉非難

○用白居易句起

塵埃壁上破窗前雪骨雲肌猶
可憐今日陰晴如昨在盛肯儵

忽與衰連飛瓊緩步隨金母弄
玉輕身入碧天賤子半生風韻
少苦吟直當憶嬋娟

○用韋蟾句起

兩間茅屋一谿雲雨細風斜黯
莫分欲去丹山尋羽士翻臨綠

水送夫君。珊珊後至。都居上楚。
楚前生誰出羣。杜宇不甘芳意。
盡五夏啼恨枕中聞。

○用呂

溫句起

日滿山頭猶閉門。石牀無物亂
紅翻。葉間鬚鬚游蜂影。苔上霏

微鬪雀痕。九轉成丹。颺萼綠三
玄結實饋。萃存騷壇自有脩能
在。誰遣人招艸木竟。

用劉

商句起

野人懷惠欲移家。古巷荒階蔚
晚霞。異采陸離原不識。素心平

淡竟相遮。謫僊夢後真仍幻。天
女空中整復斜。勿向青銅窺舊
影。昨宵露潤溼頰芽。

用高

駢句起

一醉忘情萬事休。醉餘又作錦
城遊。莫分甲乙畱春色。失守庚

申引曉愁。三楚芬芳供燕掠。六
朝粉黛付蝸收。銀塘水滿浮沈
去。訝似洪喬不作郵。

落花詠

用白居易句起

暮春風景初三日。此日花殘十

有七。乘興也。過修禊潭。嬌香膩粉。籬根出。

用元 稹句起

門前本是虛空。盼半日紅堆意。亦快寄語艸間竹馬游。輕輕勿輾丹砂壞。

用施肩吾句起

相呼已到無人境。滿地愁蜂悶。蝶影屐齒支離不可行。黏來數片。嬌紅冷。

用高 適句起

獸臥虛齋。思無已。夜深挑盡孤

燈檠似聞天外行。雨言急去南園。摧黃紫。

用戴叔倫句起

日斜深巷無人跡。風約花茵兩三尺。野鳥歸飛欲入巢。偷銜而去。敲拍拍。

用李頎句起

有肯捫蝨獸搔管。欲埽猩紅又盥手。古瓦盆頭堆壘多。客來聊以佐紅炙。

用孟浩然句起

肯肯引領望天末。欲訊美人煙

水濶遙算簷前紅雪稠亦應滿
地燕脂脫

用岑 參句起

不知何處夜吹笛兼有子規啼
血滴玉質霞膚相伴飛
鹵牕冷月過東壁

用王 建句起

風動葉殷山犬吠開門惟見殘
香在花神以我無山妻不用紅
綃故剪碎

用司空曙句起

縱然一夜風吹去不離艸香苔

綠處。花若有魂聽大招。歸來有
路礙游絮。

七言律詩十首

七言絕句十首

藥笈艸

謝焜
光
彝

○四覽

四覽者。鯁生謝焜之所作
也。焜時命不通。蓬蘽馱行。
煙水之上。霜雪之下。舉巖

華采澤秀。畱連太息。託以
短言。皆靈均之文。其志潔。
故其稱物芳。後之修辭者。
或七或九。然於瓊枝香艸
之類。不厭翫縷矣。焜不暇
多及。惟與所遇者相感。以
寫窮愁。非欲居於辯懷之
後。附乎歎思之末。且士當
不得志。皆覽察艸木。旣猷
未得。則觸口聊以成轂。固
不俟紛藻其章。峻茂其辭。
而博修能之譽也。

明王兮盛貴。國香兮遇之。孤芳
沫兮前代。伯卉繁兮弗滋。天地
閉兮開九畹。色娛人兮幽芬遠。
丹爲心兮白爲精。露晞且兮雨
戒晚。湘之水兮方綠。楚之臣兮
自勗。離蕢兮屏蕭。竝蕙兮脩束。
被繡綵兮非榮。捐瑤華兮反辱。
黃而春兮紫而龜。過昔不采兮
浩歌一曲。

惜蘭

龜陽兮有精。候至今敷榮。受中
氣兮正色。浥清露兮鮮英。蒼塘

兮白濱。潭水波兮澹無人。蒹葭
兮作侶。紅蓼兮爲鄰。婉孌兮斯
飢。力食兮葆真。傷頤頷兮終日
媿。餽口兮風塵。一餐兮可飽。嚼
異味兮咀芳津。青莖兮綠葉。雨
墜兮霜壓。慕王喬兮增年。收遺
香兮滿篋。

怨菊

衆山曉兮金風颺。木葉脫兮玉
露浮。中有華兮華不實。麗冬榮
兮山之幽。山兮嶽。石兮沈。伯卉
斷鬱蕭森。閭河北兮賁。禺東采


靈藥兮往無從。含綠膏兮紛金
粟。分秘辭兮蘂淵宮。王孫兮獸
處。攀枝兮路不通。金鵝兮肅肅。
青兕兮馮馮。久畱兮不可翹。晉
兮悵寒叢。

懷桂

江之臯兮嶺之末。青女威兮伯
華歇。有美人兮歲寒期。隱深林
兮臥幽月。敕梁清兮先驅。約羅
郁兮齊發。江淨兮不波。嶺修兮
多樾。入有氣兮出有神。魄嬋媛
兮魂髣髴。魂去兮不來。澹玉骨

今冷珠胎。招之今使返。降藥珠
今下瑤臺。再返今何處。所將白
雪。今蒼苔。

招梅



3